

1 Tesalonicenses

He⁻ la⁻ to⁻ nē⁻ je⁻ he⁻ ga⁻ sii^ʔ Paa^ʔ kih^ʔ øøh^ʔ jne^ʔ hi⁻ chaa⁻ Tesalónica

1 ¹ Jnā^ʔ Paa^ʔ kyaah^ʔ Silvano kyaah^ʔ Timotā siin^ʔ kih^ʔ gwah^ʔ jwii⁻ Tesalónica, hnäh^ʔ hi⁻ tääh^ʔ kyaah^ʔ Täa⁻ jnän⁻ hi^ʔ kyaah^ʔ Jesucristo Dsa⁻ jøøh^ʔ jnän⁻. Ngiin^ʔ kiyh^ʔ wa⁻ kway^ʔ he⁻ llu^ʔ kyah^ʔ hnäh^ʔ hi^ʔ wa⁻ jmeey^ʔ hii^ʔ ti^ʔ kyah^ʔ hnäh^ʔ.

Ga⁻ kwa^ʔ Paa^ʔ ti⁻ hmaah^ʔ kih^ʔ Dio

² Dsooh⁻ ba⁻ dsē⁻ jnääh^ʔ kyah^ʔ hnäh^ʔ lä⁻ jē⁻ jiih⁻ wa⁻ ra⁻ ga⁻ ngii^ʔ jnääh^ʔ kih^ʔ Dio, he⁻ ja⁻ kwa⁻ jnääh^ʔ ti⁻ hmaah^ʔ kiyh^ʔ. ³ Sa⁻ dsa⁻ gaa^ʔ dsē⁻ jnääh^ʔ kwa⁻ jnääh^ʔ ti⁻ hmaah^ʔ kih^ʔ Dio hi⁻ laa⁻ Täa⁻ jnän⁻. Ja⁻ koo⁻ nēē⁻ ta⁻ llu^ʔ ma⁻ jmeeh^ʔ hnäh^ʔ kih^ʔ he⁻ ma⁻ dsoo^ʔ hoh^ʔ hnäh^ʔ kiyh^ʔ, hi⁻ mi⁻ teh⁻ ba⁻ hnäh^ʔ ta⁻ kyah^ʔ hnäh^ʔ kih^ʔ he⁻ hnaah^ʔ hnih^ʔ cha⁻ miih⁻. Hi⁻ kwēeh⁻ ba⁻ hoh^ʔ hnäh^ʔ kih^ʔ he⁻ kyeh^ʔ hnäh^ʔ o⁻ jøh⁻ dsē⁻ kih^ʔ Jesucristo Dsa⁻ jøøh^ʔ jnän⁻. ⁴ Jēh^ʔ, laah^ʔ hnäh^ʔ øøhn^ʔ hi⁻ hnää^ʔ Dio cha⁻ miih⁻ hi⁻ nē⁻ ba⁻ jnääh^ʔ he⁻ ga⁻ lleeh⁻ Dio hnäh^ʔ. ⁵ Lä⁻ ma⁻ ga⁻ ngēē⁻ jnääh^ʔ ju⁻ hmēē⁻ kyah^ʔ hnäh^ʔ, ja⁻ kyaah^ʔ ma⁻ la⁻ juu^ʔ ta⁻ jmah^ʔ. Ja⁻ kyaah^ʔ cha⁻ miih⁻ be⁻ kih^ʔ Jmi⁻ lle⁻ Na⁻ jngii^ʔ ba⁻ ja⁻. Sa⁻ cha⁻ ma⁻ kye⁻ jnääh^ʔ jyoh^ʔ hu⁻ dsē⁻. Juu^ʔ na⁻ la⁻ ma⁻ ra⁻ ju⁻ dsoo^ʔ jmah^ʔ ba⁻. Hi⁻ ma⁻ neh⁻ ba⁻ hnäh^ʔ ha⁻ lä⁻ ga⁻ jmee⁻ jnääh^ʔ jee⁻ tääh^ʔ hnäh^ʔ, kih^ʔ he⁻ hnää^ʔ jnääh^ʔ hnäh^ʔ.

⁶ He⁻ ja⁻ ga⁻ jmeeh^ʔ hnäh^ʔ ja⁻ ba⁻ lä⁻ koo⁻ jmee⁻ jnääh^ʔ hi⁻ lä⁻ koo⁻ ga⁻ jmee⁻ Dsa⁻ jøøh^ʔ jnän⁻. Jēeh^ʔ, ma⁻ ga⁻ heeh⁻ hnäh^ʔ juu^ʔ kiyh^ʔ, chaa⁻ ba⁻ hnäh^ʔ llu^ʔ ga⁻ jmee⁻ Jmi⁻ lle⁻ Na⁻ jngii^ʔ, ma⁻ ke⁻ ga⁻ jēeh⁻ hnäh^ʔ cha⁻ miih⁻ he⁻ wii⁻. ⁷ Heh^ʔ he⁻ jmeeh⁻ hnäh^ʔ lä⁻ ja⁻, ga⁻ nuu^ʔ øøh^ʔ jne^ʔ hi⁻ tääh^ʔ hwa⁻ Macedonia hi⁻ hwa⁻ Acaya. He⁻ ja⁻ ja⁻ dsēy⁻ ga⁻ jmeey⁻ ja⁻ ba⁻ lä⁻ koo⁻ jmeeh⁻ hnäh^ʔ. ⁸ Kwaat⁻ kyah^ʔ hnäh^ʔ ga⁻ lloo⁻ juu^ʔ kih^ʔ Dsa⁻ jøøh^ʔ jnän⁻ lä⁻ kaa⁻ hwa⁻ Macedonia hi⁻ Acaya. Hi⁻ ga⁻ lä⁻ cha⁻ juu^ʔ he⁻ ma⁻ dsoo^ʔ hoh^ʔ hnäh^ʔ kih^ʔ Dio lä⁻ kaa⁻ jee⁻ jyoh^ʔ jwii⁻. He⁻ ja⁻ mo⁻ so⁻ jmee⁻ ga⁻ bii⁻ jmeeh⁻ jnääh^ʔ juu^ʔ kiyh^ʔ ha⁻ lä⁻ ga⁻ jmeeh⁻ hnäh^ʔ. ⁹ Lä⁻ jēē⁻ ba⁻ dsa⁻ hlēeh⁻ ha⁻ lä⁻ ga⁻ heeh⁻ hnäh^ʔ jnääh^ʔ lä⁻ ma⁻ ga⁻ lla⁻ nøø⁻ jnääh^ʔ jee⁻ tääh^ʔ hnäh^ʔ, hi⁻ ha⁻ lä⁻ ga⁻ beeh⁻ hnäh^ʔ dio hi⁻ na⁻ laa⁻ kaa⁻ dsa⁻ hi⁻ ha⁻ lä⁻ jmeeh⁻ hnäh^ʔ ta⁻ he⁻ kih^ʔ hi⁻ laa⁻ ma⁻ ra⁻ Dio jiih⁻. ¹⁰ Hi⁻ hlēēy⁻ he⁻ lle⁻ hoh^ʔ hnäh^ʔ he⁻ jäh^ʔ jooy^ʔ ka⁻ läh^ʔ gyuu^ʔ jmi⁻ gyuu⁻. Jēeh^ʔ Dio ga⁻ mi⁻ jiih⁻ Jesús jee⁻ kih^ʔ hi⁻ na⁻ juu^ʔ mah^ʔ jooy^ʔ he⁻ lää⁻ jne^ʔ kih^ʔ lli⁻ wii⁻ he⁻ na⁻ ga⁻ jä⁻.

Ha⁻ lä⁻ ga⁻ jmee⁻ Paa^ʔ jwii⁻ Tesalónica

2 ¹ Øøhn^ʔ, ma⁻ neh⁻ ba⁻ hnäh^ʔ, sa⁻ na⁻ hee⁻ ta⁻ he⁻ ga⁻ jmee⁻ jnääh^ʔ lä⁻ ma⁻ na⁻ nøø⁻ jnääh^ʔ jee⁻ tääh^ʔ hnäh^ʔ. ² Hi⁻ ma⁻ neh⁻ ba⁻ hnäh^ʔ ha⁻ lä⁻ ga⁻ lä⁻ hääh⁻ dsa⁻ jnääh^ʔ, ga⁻ kwa^ʔ dsa⁻ kyaa⁻ jnääh^ʔ jwii⁻ Filipino. Pero Dio kyaah^ʔ jnääh^ʔ he⁻ ja⁻ ga⁻ tuu⁻ dsē⁻ jnääh^ʔ ga⁻ kwa^ʔ jnääh^ʔ ju⁻ hmēē⁻ kiyh^ʔ jee⁻ jwii⁻ kyah^ʔ hnäh^ʔ ma⁻ ke⁻ ga⁻ tee⁻ ga⁻ jēē⁻ dsa⁻ kyaa⁻ jnääh^ʔ. ³ Sa⁻

na⁻hee⁻ juu¹ he⁻ ga⁻kwa¹ jnaäh¹, ni⁺ ja⁺ kyaah¹ hu⁺dsē⁻ hliih¹. Hi⁺ ni⁺ sa⁺ ga⁻mi⁻gaan¹ hnäh¹. ⁴ Ga⁻jëe¹ ba⁺ Dio jmaa¹ jnaäh¹ jmee¹ jnaäh¹ ta⁺ kiyh¹, he⁻ ja⁻ hlëeh¹ jnaäh¹ lä⁻ko⁻ lle⁻ kya⁻ jnaäh¹ hi⁻ na⁻hnaa¹ kwa⁻ ju⁺hmëe¹ kiyh¹. Hi⁺ ja⁺ he⁻ hnøø¹ jnaäh¹ ha⁻ lä⁻ jee¹ tih¹ dsē¹ dsa⁻ kya⁻ jnaäh¹ kyaah¹ juu¹ he⁻ kwa¹ jnaäh¹. He⁻ hnøø¹ jnaäh¹ ha⁻ lä⁻ jee¹ tih¹ dsē¹ Dio hi⁻ kyuu¹ ha⁻ lä⁻ la¹ hu⁺dsē⁻ jnan¹. ⁵ Neh¹ ba⁺ hnäh¹ sa⁺ ga⁻hlëeh¹ jnaäh¹ kyaah¹ juu¹ na⁻hnaah¹ lä⁻ jwë¹ jee¹ ga⁻lëehn¹ hnäh¹ ni⁺ sa⁺ ga⁻hnøø¹ jnaäh¹ ha⁻ lä⁻ jee¹ ma¹ leh¹ jnaäh¹ kuu¹. Dio ba⁺ ñe⁻ ha⁻ lä⁻ la¹. ⁶ Sa⁺ hnøø¹ jnaäh¹ jmaa¹ dsa⁻ jnaäh¹ kaah¹. Sa⁺ hnøø⁻ jnaäh¹ jmeeh¹ hnäh¹ lä⁻ ja⁻ ni⁺ he⁻ jmee¹ jnah¹. Kih¹ he⁻ laa¹ jnaäh¹ apóstole kya⁻ Cristo, cha⁻ ba⁺ jwë¹ kya⁻ jnaäh¹ he⁻ ma¹ jmee¹ jnaäh¹ mada⁻ kyah¹ hnäh¹ wa⁻ ra⁻ jäh¹ kih¹ lä⁻ ja⁻ hnøø⁻ jnaäh¹. ⁷ Pero ga⁻ jmee¹ jnaäh¹ jøh⁻ dsē⁻ jnaäh¹ ba⁺, lä⁻ ko⁻ jøh⁻ dsē¹ jaa⁻ dsa⁻ më¹ jee¹ mi⁻ kwaay¹ gyuu⁻ kyaay¹. ⁸ Ga⁻ lä⁻ hnää¹ jnaäh¹ hnäh¹ cha⁻ miih⁻. He⁻ ja⁻ sa⁺ ga⁻ jmaa¹ kya⁻ jnaäh¹ ko⁻ ma¹ dsa⁻ ka¹ jnaäh¹ ju⁺ hmëe¹ kih¹ Dio ta⁻ jmah¹. Ga⁻ lla¹ dsē⁻ jnaäh¹ ga⁻ jmee¹ jnaäh¹ be¹ kyah¹ hnäh¹ lä⁻ jiih¹ ma¹ ngëe¹ jnaäh¹ hnaa¹ jnaäh¹ juu¹ jnaäh¹ kwaat¹ kyah¹ hnäh¹ kih¹ he⁻ hnää¹ jnaäh¹ hnäh¹ cha⁻ miih⁻. ⁹ Øøhn¹, ¿Che¹ sa⁺ dsooh¹ hoh¹ hnäh¹ ha⁻ lä⁻ ga⁻ jmee¹ jnaäh¹ ta⁺, mah¹ ga⁻ lä⁻ cha⁻ he⁻ ga⁻ kih¹ jnaäh¹? Lä⁻ jmi¹ lä⁻ hwë¹ ga⁻ jmee¹ jnaäh¹ ta⁺, jëeh¹ sa⁺ hnøø⁻ jnaäh¹ ma¹ lla¹ kyaan⁻ hnäh¹ jmi¹ ta⁺ ko⁻ jiih¹ ga⁻ kwa¹ jnaäh¹ juu¹ kih¹ Dio.

¹⁰ Ma⁻ ñeh¹ ba⁺ hnäh¹ hi⁻ ñe⁻ ba⁺ Dio ha⁻ lä⁻ ga⁻ jmee¹ jnaäh¹ jee¹ tääh¹ hnäh¹ hi⁻ ma⁻ heeh⁻ kih¹ Jesús. Ma⁻ laa¹ jnaäh¹ hi⁻ na⁻ jngëe¹. Ga⁻ jmee¹ jnaäh¹ he⁻ llu¹ jmah¹ ba⁺. Sa⁺ cha⁻ he⁻ na⁻ bääh¹ jnaäh¹ ni⁺ miih⁻.

¹¹ Ma⁻ ñeh¹ ba⁺ hnäh¹ ha⁻ lä⁻ ga⁻ jmee¹ jnaäh¹ kyah¹ hnäh¹ lä⁻ jaa⁻ lä⁻ jaa⁻ hnäh¹. Ga⁻ kwa¹ jnaäh¹ be¹ kyah¹ hnäh¹, ga⁻ chaah¹ jnaäh¹ hnäh¹ lä⁻ ko⁻ jmee¹ jaa⁻ dsa⁻ kyaah¹ gyuu⁻ kyaay¹. ¹² Hi⁺ ga⁻ hlëeh¹ jnaäh¹ hnäh¹ mah¹ jmeeh¹ hnäh¹ lä⁻ hnøø¹ Dio hi⁻ ga⁻ tëeh¹ hnäh¹ mah¹ lä⁻ jnaäh¹ hnäh¹ ya⁻ jwii¹ jee¹ jmeey¹ hih¹.

¹³ He⁻ ja⁻ sa⁺ hwa¹ jnaäh¹ kwa⁻ jnaäh¹ ti⁺ hmaah¹ kih¹ Dio. Jëeh¹, ga⁻ heeh⁻ hnäh¹ juu¹ kiyh¹ he⁻ ga⁻ kwa¹ jnaäh¹. Ga⁻ lä⁻ ngëeh¹ hnäh¹ sa⁺ la¹ juu¹ kih¹ wa¹ hi⁻ cha⁻ hi⁻ dsa⁻. La¹ ma⁻ ra⁺ juu¹ kih¹ Dio ba⁺, ja⁻ ba⁺ juu¹ he⁻ jøø¹ kyah¹ hnäh¹, hi⁻ ma⁻ heeh⁻ kih¹ Jesús. ¹⁴ Øøhn¹ hi⁻ tääh¹ Tesalónica na⁻, kwee⁻ ba⁺ ga⁻ la¹ kyah¹ hnäh¹ kyaah¹ lä⁻ jë¹ gwah¹ kih¹ Dio he⁻ tøø¹ hwa¹ Judea. He¹ ba⁺ dsa⁻ gooh¹ hnäh¹ ga⁻ jmeeh¹ hnäh¹, ja⁻ ba⁺ lä⁻ koh¹ ga⁻ la¹ kih¹ øøh¹ jne¹ hi⁻ tääh¹ Judea. Judiu dsa⁻ gooy¹ ga⁻ jmeeh¹ dsih¹ kih¹ he⁻ ga⁻ lä⁻ dsoo¹ dsëy¹ kih¹ Cristo Jesús. ¹⁵ Ja⁻ ba⁺ dsa⁻ gooy¹ he¹ ga⁻ jngi¹ kih¹ Jesús Dsa⁻ jøøh¹ jnan¹ lä⁻ koh¹ ga⁻ jngëeyh¹ hi⁻ ma¹ ngëe¹ juu¹ kih¹ Dio jaa¹. Hi⁺ ja⁻ ba⁺ lä⁻ ja⁻ ga⁻ lä⁻ hnaa¹ dsëy¹ kya⁻ jnaäh¹ ka⁻ läh¹. Jmeey¹ he⁻ sa⁺ tih¹ dsē¹ Dio hi⁻ lla⁻ dsëy¹ kih¹ lä⁻ jëe¹ dsa⁻. ¹⁶ Ngoo¹ ba⁺ hay¹ kya⁻ jnaäh¹ he⁻ hlëeh¹ jnaäh¹ dsa⁻ hi⁻ sa⁺ laa¹ judiu mah¹ lääy¹. Lä⁻ jwë¹ ja⁻, mo⁻ so⁺ kyaah¹ hih¹ dso⁺ kye⁻ kiyh¹, he⁻ ja⁻ ja⁻ dso⁺ jwii¹ né¹ kiyh¹ cha⁻ miih⁻ ngëe¹.

Hnøø' Paa' dsa-jëë' øøh' jne' hi- chaa- Tesalónica

¹⁷ Hnäh' øøhn', ma-lä-hii' miih- jmií' he- sa' jëen' hnäh'. Pero sa' ma-gaa' dsë- jnääh'. Ma-ra' he- lle' dsë- jnääh' dsa-jëë' jnääh' hnäh'.

¹⁸ He-ja- hnøø- jnääh' ma' dsa-jëë' jnääh' hnäh'. Jnä' Paa' jmeen- dsoo', ja' he- koo- hä' ga'-jmeen' huu'dsë- ma' dsa-nøø' jnääh'. Pero sa' ga-la', jmee' Tana' jwiih' kyaa' jnääh'. ¹⁹ Hnäh' ba' hi- kye' jnääh' o-jøh' dsë- kih', hnäh' ba' hi- jmee' chaa- jnääh' llu'. Hnäh' ba' hi- jmee' lii- jmää' ta' he- ma-jmee' jnääh'. He-ja- hnøø- jnääh' jëë' jnääh' hnäh' tääh' hnäh' cha'në' Jesucristo wa'ra- ga-të' jee' jäh' ka-läh'. ²⁰ iHe- ba' che- llu' kyaa' jnääh' kwaan' kyah' hnäh' he-ja- chaa- ba' jnääh' llu'!

3 ¹ Sa' lä-be' dsë- jnääh', he-ja- jmee- jnääh' huu'dsë- jää' jnääh' jwii- Atena la-, ² mah' chee' jnääh' Timotä øøh' jne' dsa-jëë- hnäh'. Øøh' jne' he', jmee' ta' kih' Dio k-o-jøh' kyaah' jnääh', kway- ju'hmeë' kih' Cristo. Hi- he' kwa' be' kyah' hnäh' mah' go'taah' hnäh' koo- hweh- jwë' kih' Dio he- tääh' hnäh' na-. ³ Mah' lä-ja-, ni- jaa- hnäh' sa' jeh' hoh' hnäh' kih' he- jëeh' hnäh' he- wii'. Ma-nëh' ba' hnäh' lä-na- lle' kih' le' jnan'. ⁴ Jëeh', lä- ma' tøøh' jnääh' kyaah' hnäh', ga-jäh' jnääh' dsa-ngëë' jne' cha-miih- he- wii' hi- na' ma-jëeh' ba' hnäh' ha- lä- la' he- ja-. ⁵ He-ja- mo'so' ga-lä-be' dsën-. Chah' ba' ga'-cheen- Timotä mah' dsa-jëëy- che' lä- ma-dsoo' ja-ba' hoh' hnäh'. Jmeen- huu'dsë- wa'ra- ga'-jmeë' hi-sa-llu' jwiih' kyah' hnäh' hi- heë' ta' kyaa' jnääh'.

⁶ Pero lä- ma' jah' Timotä jee' tøøh' jnääh' la-, ga'-jmeeyh' juu', lä- ma-dsoo' ja-ba' hoh' hnäh' hi- hnaah- hnäh' dsa-kyaa'. Hi- jäh', dsooh- hoh' hnäh' kyaa' jnääh' cha-miih-, hi- hnooh- hnäh' jëeh' jnääh' ka-läh', ja-ba' lä-koo- hnøø- jnääh' jëë' jnääh' hnäh'. ⁷ Øøhn', ma-ke- dsa-ngëë' jnääh' na-ku' na-ngii' he- wii' jee' la-, pero cha-miih- ga-nøh' dsë- jnääh' ma' ga-nuu' jnääh' jmeeh- ba' hnäh' dsoo' hoh' hnäh' kih' Dio. ⁸ Na' ba' ra' si- chaa- jnääh' llu', kih' he- ga-nuu' jnääh' tääh' ba' hnäh' koo- hweh- jwë' kih' Dsa-jøøh' jnan'. ⁹ Joh' ti'hmaah' sa' kwa- jnääh' kih' Dio kwaan' kyah' hnäh'. Jëeh', cha-miih- jëë- dsë- jnääh' cha'në' Dio ta-la' kyah' hnäh'. ¹⁰ Tøøh' ba' jnääh' ngii' jnääh' kih' Dio lä-jmií' lä-hwë' mah' lä-cha- jwë' dsa-jëë' jnääh' hnäh' ka-läh'. Mah' kwa' jnääh' be' tëeh' hnäh' he- ga' hnøø' kyah' hnäh' jee' tääh' hnäh' jwë' kih' Dio.

¹¹ Ngii' jnääh' kih' Tää- jnan' hi- kih' Jesucristo Dsa-jøøh' jnan' mah' kway' jwë' dsa-jëë' jnääh' hnäh' ka-läh'. ¹² Hi- ngiin' kih' Dio wa' lä-hnaah- hnäh' cha-ga'miih- dsa-kyaa' hnäh' hi- wa' lä-hnaah- lä-na- lä-jëë- dsa- ja-ba' lä-koo- hnää- jnääh' hnäh'. ¹³ Hi- ngiin' kih' Dio mah' go'taah' hnäh' koo- hweh- hi- na-jngëeh' hnäh' go-te- mah' mo'so' cha- ga' he- na-bääh- hnäh' ni- miih- cha'në' Tää- jnan' wa'ra- ga-të' jee' jäh' Jesús Dsa-jøøh' jnan' kyaah' lä-jëë- hi- lluu' kyaa'.

Wa' jmeen' lä' tih' dsë' Dio

4 ¹ Øøhn', hlëëhn' hnäh' lä' hnøø' Jesús Dsa-jøøh' jnän'. Ta' jmee' hnäh' hñaa' hoh', go-nää' ba' hnäh' lä'koo' ga'lä'tëëh' hnäh' kyaa' jnääh'. Jëeh', lä'ja' lle' kyah' hnäh' hi' lä'ja' tih' dsë' Dio ka'läh'. Hi' jmee' bii' jmeeh' hnäh' he' llu' cha-ga'miih' koo' hä' koo' hä'.
² Ma'ñeh' ba' hnäh' ha' lä' la' nuuh' he' ga'hñah' hnäh' kyaa' jnääh' mada' kih' Jesús Dsa-jøøh' jnän'.
³ He' tøøh' jne' na-jngëen', he'ja' ba' hnøø' Dio. Hnäh' dsa-më' dsa-nuuh' ta' kaah' hnäh' wa' hi' cha' hi'.
⁴ Go-taah' hnäh' llu' kyaah' dsa-më' kyaah' hnäh'. Hnøø' na-jngëeh' hnäh' kyaayh' lä'koo' lle' kih'.
⁵ Ta' jmee' hnäh' he' ngii' jmi'ngo' kyah' hnäh' lä' jmee' dsa' hi' sa' laa' judiu' hi' sa' ma'heeh' kih' Dio.
⁶ Ni' jaa' hnäh' ta' mi'kwah' kih' øøh' hnäh', ni' ta' mi'gaa' hnäh' ni' jaa'. Ma'jmeë' ba' jnääh' juu' kyah' hnäh', Dsa-jøøh' jnän' teeh' jwi' kih' lä'jëë' hi' jmee' ta' hliih' ja'.
⁷ Jëeh', sa' ga'tëeh' Dio jne' mah' jmeen' wa' la' cha' la'. Ga'tëeyh' jne' mah' dsa'toohn' na-jngëen' ba'.
⁸ Hi' sa' jmee' he' juu' la', ja' kih' dsa' ja' he' jmeey' chaayh'. He' jmeey' chaayh' kyaah' Dio ba' ja', he' ba' Dio hi' ga'kwëeh' jne' Jmi'lle' Na-jngii'.

⁹ He' hnää' jne' dsa'kyaahn', sa' jmee' bii' si' jnääh' kyah' hnäh'. Jëeh', Dio ma'mi'tëë' hnäh' he' hnaah' hnäh' dsa'kyaah'.
¹⁰ Ma' ba' jnä', hnaah' ba' hnäh' lä'jëë' øøh' jne' hi' tääh' lä'kaa' hwa' Macedonia. Pero chuun' kyaah' hnäh' øøhn', mah' wa' hnaah' hnih' cha-ga'miih'.

¹¹ Kwa' hnäh' be' hii' ti' kyah' hnäh', ta' wa' hnee' hnäh'. Ta' jëë' hnäh' he' jmee' jñah'. Ta' wa' jwëh' hnäh', ja' jmeeh' ba' hnäh' ta' lä'koo' mada' he' ma'jmeë' jnääh' kyah' hnäh'.
¹² Lä'jwë' ja', hi' sa' ma'heeh' juu' kih' Dio hlëëyh' llu' kyah' hnäh' hi' lä'ja' lä'cha' ba' lä'jëë' he' jmee' bii' kyah' hnäh'.

Ha' lä' le' wa'ra' ga'të' jee' jäh' Dsa-jøøh' jnän'

¹³ Øøhn', hnøø' jnääh' lä'ngëeh' hnäh' ha' lä' le' kih' øøh' jne' hi' ma'na'juu'. Sa' hnøø' jnääh' lä'meeh' hoh' hnäh' lä'koo' la' kih' hi' sa' cha' o'jøh' dsë' kih'.
¹⁴ Dsoo' ba' dsë' jne' he' ga'juu' Jesús hi' ga'lä'jiiyh' ka'läh'. Hi' jmee' jne' dsoo', ja'ba' lä'ja' mi'jiih' Dio ko'jøh' kyaah' Jesús ga'lä'jëë' hi' na'juu' hi' ga'heeh' kiyh'.

¹⁵ He'ja' jwëëhn' hnäh' lä'koo' ga'jäh' Dsa-jøøh' jnän'. Jne' hi' chaa' wa'ra' ga'të' jmi' jäh', sa' lä'jää' jne' kih' øøh' jne' hi' na'juu'.

¹⁶ Ki'gaa' lä'nuuh' jmee' Dsa-jøøh' jnän' mada' wa'ra' ga'të' jee' jñaay' gyuuh', hi' lä'nuuh' hlëeh' ángel hi' jøøh' ga' kih' jee' lä'jëë', hi' lä'nuuh' hii' luu' hoo' kih' Dio. Ma'ja' lä'jiih' to'në' lä'jëë' hi' na'juu' hi' ga'heeh' kih' Jesús.
¹⁷ Hi' lä'jëë' jne' hi' chaa' jmi' ja', chaayh' jne' jee' jni' ko'jøh' kyaah' hi' na'juu' mah' jee' jne' Jesús jwë' në' lle'. Ja'ga'

na⁺ dsa'tooh' jne' kyaah' Dsa-jøøh' jnän` lä'jē⁺ joh' jmiī' cha⁻. ¹⁸ He-ja⁻ jmee' hnäh' jēē⁻ dsē' dsa-kyaah' hnäh' kyaah' juu' la⁻.

5 ¹ Øøhn' sa⁺ jmee⁻ bii' sii' jnääh' kyah' hnäh' hee⁻ ji⁻ ñē⁻ o hee⁻ jmiī' lä'te' juu' la⁻. ² Ma-ñeh' ba' hnäh' kwee⁻, wa'ra⁻ ga'lloo' jmiī' jäh' Jesús, jäh' jmiī' he⁻ sa⁺ liih' dsa⁻, lä'koo⁻ jmee⁻ dsa-hii⁻ ta'la⁺ hwē'. ³ Lä'koo⁻ wa'ra⁻ ga'jah' dsa⁻: "Ma-tøøh' ba' jne' llu', mo⁺so⁺ hii' goo⁻ jnän'", lä'chah' ja⁻, ni⁺ sa⁺ liih' gyih', jä⁺ he⁻ wii' nē' kiyh', lä'koo⁻ jmee⁻ kih' dsa-mē' jee' dsa-lä'chaa⁻ gyuu⁻ kyaay'. Ni⁺ jaa⁻ sa⁺ lää' kih' he⁻ ja⁻. ⁴ Pero hnäh' øøhn', mo⁺so⁺ tääh' hnäh' jmeeh⁻ hnäh' wa' la' cha⁻ la'. He-ja⁻ wa'ra⁻ ga'tē' jee' jäh', sa⁺ jøøh' hnäh' lä'koo⁻ dsa-jøøh' dsa⁻ wa'ra⁻ ga'lloo' jaa⁻ dsa-hii⁻ kiyh'. ⁵ Lä'jēē⁺ ba' hnäh' ma-na'jnää' hnäh' jee' jnä' wa'je⁻ hi⁺ lä'ja⁻ kih' jmiī' ka'läh'. Mo⁺so⁺ na'jnää' hnäh' kih' hwē', ni⁺ kih' jee' na-hoo⁻. ⁶ He-ja⁻ jwēēhn⁻ hnäh', sa⁺ wa' jmeen' lä'koo⁻ jaa⁻ hi⁻ sa⁺ liih' he⁻ jmee⁻. Hnøø' na-nē' jne' hi⁺ wa' hää' jne' hñaan'. ⁷ Hi⁻ gwii⁻, hwē' ba' gwiiy⁻. Hi⁻ hee', ko-ja⁻ lla'heeh⁻ bih'. ⁸ Pero jne' hi⁻ ma-na'jnää' kih' jmiī', wa' leeh' jne'. Wa' lä'dsoo' dsē' jne' kih' Dio, wa' hnää' jne' øøh' jne'. Lä'jwē' ja⁻ hää' jne' hñaan' lä'koo⁻ jmee⁻ hløø' hi⁻ na-lää' ñē'. Hi⁺ wa' kyen' o-jøh⁺ dsē' he⁻ lää' jne'. Lä'jwē' ja⁻ hää' jne' hñaan' lä'koo⁻ jmee⁻ hløø' hi⁻ hä' mi'kyaah' lle'. ⁹ Jēēh', ga'jmää' Dio jne' mah' lääy' jne' ta'la⁺ kih' Jesucristo Dsa-jøøh' jnän`, sa⁺ ga'jmääy' jne' mah' jēēn' he⁻ lli'wii' he⁻ na' ga'jä⁺. ¹⁰ Hi⁻ he' ga'juu' jnä' jne' mah' chaa⁻ jne' ko-jøh' kyaayh', kwee⁻ ba' la' che' chaa⁻ jne' o na'juu' jne' wa'ra⁻ ga'tē' jmiī' jäh'. ¹¹ Kih' he-ja⁻, ja⁻ kwah⁻ hnäh' be' kih' dsa-kyaah' mah' dsa-näay' ta⁺ cha'ñē', ja⁻ ba' lä'koh' tääh' hnäh' jmeeh⁻ hnäh'.

¹² Chuun' jnääh' kyaah' hnäh' øøhn', ja⁻ jmeeh⁻ hnäh' he' kih' hi⁻ kwa⁺ be' kyah' hnäh' hi⁺ lä'ja⁻ kih' hi⁻ jää' hnäh' kwaat⁻ kih' Dsa-jøøh' jnän` hi⁺ kih' hi⁻ hlēēh⁻ hnäh' ka'läh'. ¹³ Wa' hnaah⁺ hnih' cha-miih⁻ ta'la⁺ kih' ta' he⁻ jmeey⁺. Hi⁺ wa' hii' tii' kyah' hnäh' kyaah' dsa-kyaah' hnäh'.

¹⁴ Hi⁻ chuun' kyaah' hnäh' øøhn', hlēēh' hnäh' hi⁻ sa⁺ hnøø' jmee' ta'. Kwa' hnäh' be' kih' hi⁻ sa⁺ lä'kaa⁻ dsē', hi⁺ lä'ja⁻ kih' hi⁻ sa⁺ bee' huud⁻ dsē' kih'. Jmee' hnäh' jøh⁻ hoh' kyaah' lä'jēē⁺. ¹⁵ Leeh' hnäh', ni⁺ jaa⁻ hnäh' ta⁺ jiih' hliih' kih' hi⁻ jmee⁻ he⁻ hliih'. Lä'jē⁺ jiih⁻ jmee' hnäh' he⁻ llu' jmah' ba' kih' øøh' hnäh' hi⁺ kih' lä'jēē⁺ dsa⁻ jmi⁻ gyuu⁺.

¹⁶ Wa' jēē⁻ hoh' hnäh' lä'jē⁺ jmiī' ba'. ¹⁷ Ngii' hnäh' tää' kih' Dio.

¹⁸ Kwa' hnäh' ti'hmaah' kih' Dio kih' lä'jē⁺. He⁻ la⁻ na⁻ hnøø' Dio jmeeh' hnäh' lä'llu' he⁻ ma-laah' hnäh' koo⁻ kyaah' Cristo Jesús.

¹⁹ Ta⁺ ha⁻ hnäh' kih' Jmi⁻ lle' Na-jngii'. ²⁰ Ta⁺ jmee⁻ hnäh' ta⁺ koo' juu' he⁻ kwa⁺ hi⁻ ngēē⁻ juu' kih' Dio. ²¹ Kye' da' hnäh' kwaat⁻ kih' lä'jē⁺ he⁻ hlēēy⁺. Mah' go-taah' hnäh' koo⁻ hweh⁻ kyaah' ma'la⁺ he⁻ llu' jmah' ba'. ²² Be' hnäh' ta⁺ koo' lä'jē⁺ nēē' he⁻ hliih'.

²³ Dio ba' he' hi⁻ jmee⁻ hii' tii' tuh⁻ dsē' jne'. He-ja⁻ ngiin' kiyh' mah' wa' jmeey' na-jngēē' hnäh' go-te⁻. Wa' hääy' hnäh'. Wa' høøy' jmi⁻ lle'

kyah¹ hnäh^ʔ, wa¹ høøy^ʔ lä^ˈjë^ˈ huu^ˈdsë⁻ kyah¹ hnäh^ʔ, wa¹ høøy^ʔ jmi⁻ngo¹
 kyah¹ hnäh^ʔ mah¹ mo⁻so⁻ cha⁻ ga¹ he⁻ na⁻bääh^h hnäh^ʔ ni⁻ miih⁻ wa⁻ra⁻
 ga⁻të^ʔ jee¹ jäh^ʔ Jesucristo Dsa⁻jøøh¹ jnän^h.²⁴ Ma⁻ra⁻ he⁻ mi⁻te¹ ba¹ hi⁻
 ga⁻tëeh¹ hnäh^ʔ. He⁻ ga⁻jäyh^ʔ jmeey¹, ma⁻ra⁻ he⁻ jmee¹ bih¹.

²⁵ Øøhn¹, ngii¹ hnäh^ʔ kih¹ Dio mah¹ kway¹ be^ʔ kyaa¹ jnääh¹.

²⁶ Jmee¹ hnäh^ʔ Dio kih¹ lä^ˈjëë⁻ øøh¹ hnäh^ʔ, ja⁻ chuh⁻ hnäh^ʔ kiyh¹ lä⁻
 hnøø¹ Dio.

²⁷ Kyaah¹ mada⁻ kih¹ Dsa⁻jøøh¹ jnän^h, jwëëhn^h hnäh^ʔ, ja⁻ hëh⁻ hnäh^ʔ he⁻
 ma⁻siin¹ la⁻ cha⁻në¹ jee¹ lä^ˈjëë⁻ øøh¹ jne¹.

²⁸ Wa¹ mi⁻jää¹ Jesucristo Dsa⁻jøøh¹ jnän^h lä^ˈjëë⁻ hnäh^ʔ. Wa¹ la¹ lä⁻ja⁻.